

Hans Schnog back na timon di Garage Cordia Aruba

ORANJESTAD (AAN): Relaciona cu cambionan strategico den Garage Cordia Aruba, den cuadro di por innova y desaroya pa un siguiente nivel di crecimiento, recientemente a tuma luga cambio den directiva.

Presidente di Hunta di Comisarionan, Hans Schnog, temporalmente a tuma e timon over di e compania for di Danilo Werleman. E ultimo aki lo sigui su carera separa for di Garage Cordia. E Hunta di Comisarionan a gradici'e pa su trabao y esfuerso den e ultimo añanan y a desee tur cos bon den futuro.

Garage Cordia Aruba, siendo un di e agencianan mas grandi y cu a bende mas auto na Aruba, ta pasando den un fase di cambio. Pa esaki Hans Schnog, cu ta na cabes di e compania desde aña 1976, a opta pa tuma e timon over atrobe den un esfuerso pa por haci cambionan strategico, mara na e circunstancianan nobo di nos mercado.

Garage Cordia Aruba ta existi desde 1965, tempo cu nan a cuminsa cu un stock di unicamente 10 auto y algun piesa. E compania a crece rapidamente y masha lihe mester a muda for di nan edificio den Caya Betico Croes pa L.G. Smith Boulevard y na aña 2005 a muda pa nan facilidad nobo na Camacuri. Despues di 55 aña, keto bay Toyota ta e auto cu mas a bende den historia na Aruba.

